



Inatsisartunut ilaasortaq Anthon Frederiksen  
/Maani

## **Aalisakkanik tukertitsiviit pillugit apeqqutinut akissut**

Aalisakkanik tukertitsivinnut tunngatillugu imaattunik apeqquteqarsimavutit:

1. Nunatsinni aalisakkanik tukertitsivimmik pilersitsisoqarnissaa siunertaralugu misissuisitsisoqarnikuuvaa?  
Aappiuppat, qanga? Misissuinerit qanoq inerneqarpat ?
2. Nunatsinni aalisakkanik tukertitsivimmik misilittaasoqarnikuua?  
Aappiuppat, qanga? Misilittaanerit qanoq inerneqarpat?

Apeqqutit ataatsimut akissuteqarfiginiarpakka:

Aallarniutigalugu innersuussutigissavara § 36-mut apeqqummut allamut akissutigineqartoq, tassani imatut akissuteqarama: Nunatsinni aalisakkanik tukertitsiveqanngilaq, kisianni Nanortallip kommuniani Qorlortorsuarmi aalisakkanik tukertitsiviliortoqarnikuvoq, kisianni taanna tunisassiorneq sulii aallartingitsoq matuneqarpoq. Tamatuma saniatigut Naalakkersuisut ilisimasaqanngillat aalisakkanik tukertitsinermik misileraasoqarsimaneramik.

Naggataagut ilisimatitsissutigissavara namminersortunik ingerlanneqartumik nunatta kitaata sineriaani misissuisoqarnikummat kapisilinnut tukertitsiviliortoqarsinnaanersoq paasinialugu. Misissuinerit taakku maannakkumut qularnaarlugu paasitissimavaat silaannaap pissusaanik pissuteqartumik tukertitsiviliornissamut avatangiisit naleqqutinngitsut. Sikut ingerlaartut, ukiukkullu kangerlunni sikusarnera aammalu kissassutsimut tunngasut peqquataallutik tukertitsiviliornissaq akilersinnaassanngilaq.

Inussiarnersumik inuulluaqqusillunga

Finn Karlsen  
Aalisarnermut, Piniarnermut Nunalerinermullu Naalakkersuisoq

30. oktober 2008  
J. nr.: 01.27/2008-97  
Postboks 269  
3900 Nuuk  
Oq/tel +299 34 50 00  
Fax +299 32 47 04  
aapip@gh.gl  
www.nanoq.gl